

28. aprili 2016

UKA 2015/24

UPA 2016/24

TUSARNIAANEQ PILLUGU OQAASEQAAMMUT ILUARSIISSUT

**Uunga siunnersuut: Inunnik paasisutissanik suliarinnittarneq pillugu inatsimmut Kunngip peqqussutaata Namminersorlutik Oqartussanit Kalaallit Nunaannut atuuttussanngortinneqarnissaa pillugu Inatsisartut aalajangiiffigisassaattut siunnersuut.**

Naalakkersuisut piffissami 22. maaji – 30. juuni 2015 peqqussutissatut siunnersuut pillugu ilassummik Kalaallit Nunaanni tusarniaapput.

Peqqussutissatut siunnersuut ukununga tusarniaassutigineqarpoq:

Siulittaasup Naalakkersuisoqarfia, Aningaasaqarnermut Naalakkersuisoqarfik, Aatsitassanut Ikummatissanullu Naalakkersuisoqarfik, Ineqarnermut, Sanaartornermut Angallanermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik, Ilaqutariinnermut, Naligiissitaanermut Isumaginninnermullu Naalakkersuisoqarfik, Peqqissutsimut Naalakkersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfik, Pinngortitamut, Avatangiisinut Inatsisinillu Atuutsitsinnermut Naalakkersuisoqarfik, Nunatsinni Nakorsaaneqarfik, Nunanut Allanut Pisortaqaarfik, Akileraartarnermut Pisortaqaarfik, Aningaasaqarnermut Sulisoqarnermullu Aqutsisoqarfik, KANUKOKA, Kommuneqarfik Sermersooq, Kommune Kujalleq, Qeqqata Kommunia, Qaasuitsup Kommunia, Ilisimatusarfik, Kalaallit Nunaanni Naatsorsueqqissaartarfik, Kalaallit Nunaanni Sulisitsisut, ICC Kalaallit Nunaat, Inuit Pisinnaatitaaffii pillugit Institutti, Inuit Pisinnaatitaaffii pillugit Kalaallit Nunaanni Siunnersuisooqatigiit, Nunatsinni Advokatit – Grønlands Advokater, IMAK, SIK, PK – Peqqissaasut Kattuffiat aamma Tusarniaanermut nittartakkakkut.

Tusarniaanermi akissutit 18-it ukunanga tiguneqarput:

KANUKOKA, Kommune Kujalleq, Qeqqata Kommunia, Kommuneqarfik Sermersooq (allaffissornikkut akissuteqaat, kingusinnerusukkut politikikkut suliarineqartussatut naatsorsuutigineqartoq), ERP – Suliniutinut allattoqarfik, Open Source Greenland, ICC, Transparency International – Greenland, Inuit Pisinnaatitaaffii pillugit Institutti, Kalaallit Nunaanni Sulisitsisut, Nunatta Atuagaateqarfia – Det Grønlandske Landsbibliotek, IMAK, Aalisarnermut, Piniarnermut Nunalerinermullu Naalakkersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Ineqarnermut, Sanaartornermut Angallanermullu Naalakkersuisoqarfik, Siulittaasup Naalakkersuisoqarfia aamma Akileraartarnermut Aqutsisoqarfik.

Tusarniaanermi akissutigineqartut, siunnersuummut tigussaasunik oqaaseqaatitallit, ataani allattorneqarput.

Tusarniaavigineqartoq	Oqaaseqaatit	Oqaaseqaatinut akissutit
KANUKOKA	Inunnik paasisutissanik suliarinnittarneq pillugu inatsisip Kalaallit Nunaanni atuutilersinneqarnissaa	Siunnersuutip piareersarneranut atatillugu Siulittaasup Naalakkersuisoqarfiani Inatsiseqarnermut immikkoortortap

UKA 2015/24

UPA 2016/24

Suliap nr.a.: 2015-557

	<p>KANUKOKAmit pítsaasutut isigineqarpoq. Kattuffiup innersuussutigaa nalunaarsuisarnermut inatsisit atuuttut ullutsinnut naleqqukkunnaarsimanerat.</p> <p>Naalagaaffiup akisussaaffigisaatut Naalakkersuisut Siulittaasoqarfiani Inatsiseqarnermut immikkoortortap Statsiministeriamit ilisimatinneqarsimanera KANUKOKAp tusaatissatut figuaa.</p> <p>KANUKOKAilli tikkuarpaa siunnersuutip allaffissornikkut aamma aningaasartuutaanissaanut kinguneqaataasussatut nalilerneqarneri nalorninartutut aamma inissisimasut. Taamaattumik KANUKOKA isumaqarpoq kommunit aningaasartuutaanerusussanut taakkununga taarsiiffigineqartariaqartut, Namminersorlutik Oqartussat aamma Kommunit DUT-imik periuseq isumaqatigiissutaat naapertorlugu.</p> <p>Aammattaaq Namminersorlutik Oqartussat kajumissaarneqarput inatsisip atuutilersinneqarnissaanut sulisunik ilinniartitsinissamut aningaasaliissutissanik illuartitseqqullugu. Taamatutaaq Namminersorlutik Oqartussat kajumissaarneqarput inatsisip atuutilersinneqarneratigut inatsisinut allanut assigiissuteqartoqarsinnaanera eqqarsaatigeqqullugu.</p> <p>Naggasiutut inatsisip atuutilersinneqarnissaanut atatillugu ikaarsaariarnissamut</p>	<p>nalilersorsimavaa suliassaqarfik akisussaaffittut figuneqareersimanersoq imaluunniit naalagaaffimmit akisussaaffigineqarnerasoq. Inatsiseqarnermut immikkoortortaq Justitsministeriamik oqaloqatereernermi kingorna nalunaarutigaa tamanna naalagaaffiup akisussaaffigigaa. Peqqussutissatut siunnersuutip naammassisap nassiunneranut atatillugu Justitsministeriap erseqqissaatigaa Namminersorlutik Oqartussat immikkut inatsisartut inatsisissaannik suliaqarsinnaasut, namminersorlutik oqartussat namminneq akisussaaffiitut taamaallaat atuuttussamik. Inatsisitigut tunngaviup inissisimanera suli tassaavoq inunnik paasissutissanik sularinnittarneq pillugu inatsit kunnigip peqqussutaatigut atuutilersinneqarsinnaammat. Naalakkersuisut suli isumaqarput inunnik paasissutissanik sularinnittarneq pillugu inatsit Kalaallit Nunaannut atuutilersinneqassasoq, isumalluutit isiginiarlugit kiisalu digitalinnngorsaanermit suliniutit ingerlanneqartut siuariartortinneqarlutik ingerlanneqaannarnissaat qulakkeerniarlugit.</p> <p>Siunnersuummi allaffissornikkut aningaasatigullu kinguneqaatasussat nalilersorneqarnerisa annikinnerat Naalakkersuisut eqqumaffigaat. Tassunga atatillugu malugeqquneqarpoq inunnik paasissutissanik sularinnittarneq pillugu inatsisip Danmarkimi sularineqarnerani aamma</p>
--	--	---

	<p>pisariaqatitsisoqarnissaa KANUKOKAmit tikkuarneqarpoq.</p>	<p>allaffissornikkut aningaasatigullu kinguneqataasussat erseqqissumik nalilersussallugit ajornakusoorsimasoq.</p> <p>Siunnersuutikkut nalunaarsuisussaatitaanermut inatsisit atorunnaarsinneqassapput, tamatumalu kingunerisaanik nalunaarsuiffinnut malittarisassiornissamik piunasaqaatit aamma ilanngullutik. Pisussaaffik taanna inuit pillugit paasissutissanik atuinermi nalunaarutiginnittussaatitaanermik taarserneqassaaq. Naalakkersuisut isumaqarput tamatumuunakkut pisortat aamma namminersortut allaffissornikkut oqilisaaffigineqassasut. Siunnersuummi §§ 27-mut aamma 28-mut tunngatillugu paasissutissanut akisussaasut nalunaarsorneqarsimasunut paasissutissiisussaatitaanerannut tunngatillugu allaffissornikkut suliaqarnerulernissaq naatsorsuuti gineqassaaq. Naalakkersuisut isumaqarput paasissutissiisussaatitaanermut pisussaaffik tamanna sapinngisamik assigiissaakkamik paasissutissiinertut ingerlanneqarsinnaasoq, assersuutigalugu qinnuteqaatinik tunniussinermi imaluunniit atorfinitsitsinermi isumaqatigiissusiornerit aqutugalugit.</p> <p>Siunnersuummik atuutilersitsinissamut atatillugu aningaasartuutissanut tunngatillugu naalagaaffiup inatsisaa pineqarpoq, taamaalillunilu aningaasatigut akisussaaffik tunngaviusumik naalagaaffiup ataaniilluni.</p>
--	---	---

		<p>Naalackersuisulli isumaqarput inatsisip ilisimaneqarnera sapinngisaq tamaat siammarterneqassasoq. Tamatumunnga aaqqissuteqarnissaq tunngavigalugu Naalackersuisut naalagaaffimmi oqartussanik oqaloqateqarput.</p> <p>Naalackersuisut isumaqatigisinnaavaat siunnersuutip inatsisinut allanut kallaasinnaanerata naliliiffiqineqarnissaanik kissaateqarneq, naalackersuisoqarfiillu attuumassuteqartut tamatuma eqqumaffiginissaanut kaammattorneqarput.</p> <p>Naggasiutigalugu oqaatigineqarsinnaavoq Naalackersuisut naalagaaffimmi oqartussanik oqaloqateqarnikummata § 71-imi killigitat sivitsorneqarnissaannut tunngasunik. Peqqussutissatut siunnersuummi nutarterneqarsimasumi § 71-i innersuussutigineqarpoq.</p>
Qeqqata Kommunia	Siunnersuutip nassatarisaanik allaffissornikkut aningaasatigullu kinguneqaataasussat kommunip annilaanngatigalugit oqaatigai.	Tamakkiisumik isigalugu KANUKOKAp tusarniaanermut akissutaanut akissutigineqartoq qulaaniittoq innersuussutigineqarpoq.
Kommuneqarfik Sermersooq	<p><i>Maluginiarneqarpoq tusarniaanermi akissut allaffissornikkut akissutaammat, politikikkut suliarineqarnissaa utaqqineqarhuni. Tusarniaanermi akissut politikikkut suliarineqarsimasoq tiguneqarpat ingerlateqqinneqassaaq.</i></p> <p>Inunnik paasissutissat suliarineqartarnerat pillugu</p>	Tamakkiisumik isigalugu KANUKOKAp tusarniaanermut akissutaanut akissutigineqartoq qulaaniittoq innersuussutigineqarpoq.

	<p>peqqussutissap inatsisitigut aaqqitassartaasa inissinneqaqqaarnissaat kommunemit kissaatigineqarpoq.</p> <p>Aammattaaq kommunep oqaatigaa suleriaatsit nutaat atorneqalernissaannut pikkorissartitsinissamut aningsaasartuutinik taarsiiffigineqarnissaminik kissaateqarluni.</p> <p>Namminersorlutik Oqartussat inatsisinut allanut killiliinissani eqqumaffigissagaa, taakkununga ilangullugit suliat suliarineqartarneranut inatsit aamma toqqortaateqarnermut inatsit.</p>	
Kommune Kujalleq	<p>Kommunep innersuussutigaa peqqussut Kalaallit Nunaannut atuutitinneqalissanngitsaq, pineqartoq Namminersorlutik Oqartussanut tunngassuteqarmat.</p> <p>Ilangulluguttaaq kommunep innersuussutigaa inunnik paasissutissanik suliarinnittarneq pillugu inatsisip eqqunneqarnerata kingunerisaanik paasissutissat suliarineqartarnerisa isumannaatsuutineqarnissaannut europamiut isumaqatigiissutaannut Kalaallit Nunaat qanoq peqataatinneqassanersoq nalilersorneqassasoq.</p> <p>Kiisalu inunnik paasissutissanik suliarinnittarneq pillugu inatsisip eqqunneqarnera kommunenut aamma Namminersorlutik Oqartussanut allaffissornikkut annertunerusumik aningsaasartuutaanerulissasoq.</p>	<p>Peqqussutip atuutilersinneqarneranut atatillugu piginnaangorsaaqqinnissamut apeqqut, kiisalu allaffissornikkut aamma aningsaasartuuteqarnerulernissamik kinguneqaataasussanut tunngasut KANUKOKAp tusarniaanermut akissutaanut qulaani akissutigineqartut innersuussutigineqarput.</p> <p>Paasissutissat illersorneqarnissaannut europamiut isumaqatigiissutaannut Den Europæiske Databeskyttelseskonventionimut Kalaallit Nunaata ilaatinneqarsinnaaneramik apeqqummut tunngasoq Naalakkersuisut Justitsministeriaqarfimmum, suliassaqarfimmik akisussaasumut, ingerlateqqippaat.</p> <p>Peqqussutissap atuutilersinneqarnissaanut Kalaallit</p>

		Nunaata paasissutissat illersorneqarnissaat pillugu isumaqatigiisummut ilaanissaa pisariaqassasoq Justitsministeria isumaqanngilaq. Justitsiministeriap naliliinera Naalakkersuisunit tusaatissatut tiguneqarpoq.
ERP – Suliniutinut allatseqarfik	Suliniqatigiiffiup siunnersuut ilalernartippaa, ilanngulluguttaaq innersuussutigalugu maannakkut inatsisit atuuttut atorlugit illersorneqarsinnaasumik paasissutissanik akulerutsitsinissaq, ataqatigiissitsinissaq aamma paarlaasseqatigiinnissaq ajornassasoq.	Maluginiarneqartunut Naalakkersuisut isumaqataasinnaapput.
Inuit Pisinnaatitaaffii pillugit Institutti	Tamakkiisumik isigalugu nalunaarsuisarnermut inatsisip iliuseqarfigineqarniarnera, taamaalillunilu Kalaallit Nunaanni inuit pillugit paasissutissat ullutsinnut naleqqunnerusumik malittarisassiornikkut suliarineqarsinnaangornissaannut alloriarneq Instituttip pitsaasutut isigaa.  Taamaattorli Instituttip innersuussutigaa paasissutissat illersorneqarnissaannut Kalaallit Nunaannut immikkut ittumik inatsisiliortoqassasoq, EU-p iluani inuit pillugit paasissutissat illersorneqarnissaasa maanna nutarterlugit suliarineqarnerat eqqarsaatigalugu.  Aaqqissutaasinnaasutut instituttip innersuussutigaa suliassaqarfimmi kalaallit malittarisassa at piaartumik nutarterneqassaasut, EU-p ataani malittarisassanut akuersissutigineqartussatut naatsorsuutigineqartunut naleqqussarlugit.	Naalakkersuisut tungaviusumik isumaqarput naalagaaffiup inatsisai ataavartumik nutarterneqartarsassut, taamaalilluni malittarisassat naalagaaffeqatigiinni illugiisumik assigiissaakkamik tamatuminnaga pisariaqartitsisoqartillugu pisinnaaqqullugu.  Naalakkersuisut aamma ilisimaaraat inuit pillugit paasissutissat atorneqartarnerannut malittarisassat nutaat EU-p ataani suliarineqarnermata. Naalakkersuisut isumaqarput inunnik paasissutissanik suliarinittarneq pillugu inatsisip maanna atuuttup malittarisassaanut sapinngisamik naapertuuttumik peqqussutissaq imaqassasoq. Taamaattorli pisuni assigiinngitsuni innuttaasut arlaqarnerusunik pisinnaatitaaffilersorneqassapput. Tamatumani pineqarput paasissutissat illersorneqarnissaannik akisussaasumik toqqaaneq, ”puigorneqarnissamik

	<p>Aammattaaq Instituttip ilanngullugu inassutigaa Kalaallit Nunaanni eqqartuussiveqarfiit inunnik paasissutissanik suliarinnittarneq pillugu inatsimmut ilaatinneqassasut.</p> <p>Aammattaaq Instituttip inassutigaa inunnik paasissutissanik suliarinnittarneq pillugu inatsimmi § 54, stk. 1 – suliassat nalunaarutigineqarsimasut allattorsimaffiat tamanit takuneqarsinnaasut – Kalaallit Nunaannut atuutilersinneqassasoq.</p> <p>Ilutigitilluguttaaq instituttip innersuussutigaa Datatilsyni suliani pillugit ukiumoortumik Inatsisartunut nalunaarusiortassasoq – Datatilsynip Folketingimut nalunaarusiortarnera assigalugu, inunnik paasissutissanik suliarinnittarneq pillugu inatsimmi § 61, stk. 2 naapertorlugu.</p> <p>Instituttittaag innersuussutigaa danskit inunnik paasissutissanik suliarinnittarneq pillugu inatsit aallaavigalugu nalunaarutaat atuutilersinneqartut kalaallinut atugassarifitanut naleqqussarneqartassasut</p>	<p>pisinnaatitaaffimmik” atulersitsineq, inuit pillugit paasissutissat isumannaatsuutinneqarnissaannik eqqortitsinnginnermi nakkutilliisussaataitaasup paasissutissiisussaataitanera, aamma pisortat namminersortullu allaffissornikkut akiliisussanngortitaasinnaanerat.</p> <p>Naalakkersuisuttaaq isumaqatigisinnaavaat Kalaallit Nunaanni suliassaqarfimmi malittarisassiornerup nunat tamalaat akornanni malittarisassanut naapertuunnissaa. Tamanna tunngavigalugu Naalakkersuisut Justitsministeriaqarfimmut inassutigaat, Naalakkersuisut oqaloqatigalugit, suliassaqarfimmi malittarisassat pisariaqarfiisigut nutarterneqartassasut.</p> <p>Instituttip eqqartuussiveqarnermut tunngatillugu oqaaseqaataanut tunngatillugu, suliassat nalunaarutigineqarsimasut allattorsimaffiat tamanit takuneqarsinnaasooq aamma ukiumoortumik nalunaarusiortarnissanut tunngasut Naalakkersuisut Justitsministeriaqarfimmut ilisimatitsissutigaat – aammalu Justitsministeriaqarfik piunasaqarfigalugu inunnik paasissutissanik suliarinnittarneq pillugu inatsimmi Kalaallit Nunaanni atuuttussami taakku ilaatinneqannginnissaanik aalajangerneq eqqarsaatigeqqeqqullugu. Justitsministeriaqarfik isumaqarpat tamanna ajornartoq, tamatuma naalisaammi sukumiisumik</p>
--	---	---

		<p>nassuiarneqarnissaa Naalakkersuisut inassutigaaat.</p> <p>Nalunaarutinut tunngatillugu apeqqut siunertarineqartoq Naalakkersuisunit ilalerneqarpoq, tamannalu Justitsministeriaqarfimmut ilisimatitsissutigalugu. Naalakkersuisulli nalilerpaat Danmarkip Kalaallit Nunaatalu akornanni suliassaqarfinni arlalinni nalunaarutininik malittarisassanik assigiinngitsunik pisariaqartitsisoqarnaviannngitsoq. Naalakkersuisulli eqqumaffigaat assersuutigalugu oqaatsitigut naleqqussaanissaq pisariaqartinneqarsinnaasoq, paatsortoqarnissaa pinngitsoortinniarlugu.</p>
ICC – Kalaallit Nunaat	<p>Siunnersuut ICC'mit tapersersorneqanngilaq.</p> <p>Siunnersuutikkut inatsit Kalaallit Nunaannut naleqqussarneqanngitsoq atortuulersinneqassasoq suliniaqatigiiffiup tikkuarpaa - innersuussutigalugulu oqartussaaffik tigullugu akisussaaffigineqalissasoq.</p> <p>Aammattaq suliniaqatigiiffiup tikkuarpaa innuttaasunut paasititsiniaallunilu oqallitsitsisoqarsimannngitsoq, siunnersuutip sutigut pisinnaatitaaffeqartitsilernissaanut tunngatillugu.</p> <p>Aammattaq suliniaqatigiiffiup tikkuarpaa Kalaallit Nunaat suli nunatut isumaannaatsuunngitsutut inissisimasoq – nuna, Datatilsyni Inatsisartunut nalunaaruteqartartussaannngitsoq,</p>	<p>Akisussaaffigalugu tigusinissamut apeqqummut tunngatillugu KANUKOKAp tusarniaanermi akissutaanut oqaaseqaatigineqartut innersuussutigineqarput.</p> <p>Naalakkersuisut isumaqatigisinnaavaat inunnik paasissutissanik sularinnittarneq pillugu inatsit innuttaasunit ilisimaneqarnissaa pingaaruteqartoq, aamma inatsit naapertorlugu innuttaasut sunik pisinnaatitaaffeqarnermut. Naalakkersuisulli isumaqatiginngilaat inunnik paasissutissanik sularinnittarneq pillugu inatsisip atuutilersinneqarnissaa sioqqullugu immikkut paasititsiniaanissaq pisariaqartinneqassasoq.</p> <p>Nunatut isumannaatsutut akuerineqarnissamut apeqqummut tunngatillugu, Naalakkersuisut isumaqarput, qinnuteqarnermut</p>



	<p>aammalu inatsisip eqqortumik atuutifinnissaanut ajornartorsiorfiusussaq.</p>	<p>suliassaq tamanna peqqussutip atuutilersinneqarnerata kingunitsianngua aallartisameqassasoq. Naalakkersuisut ilisimatitsissutigisinnaavaat peqqussutip atuutilersinneqarnera Kalaallit Nunaata nunatut isumannaatsuutut akuerineqarnissaanut qulakkeerinnissutaanngimmat – qinnuteqarnissalli aallartisarnissaanut tamanna pingaaruteqarmat.</p> <p>Aammattaaq innersuussutigineqarput Inuit Pisinnaatitaaffii pillugit Instituttip tusarniaanermi akissutaanut oqaaseqaatit.</p>
<p>Transparency International Greenland</p>	<p>Tamakkiisumik isigalugu suliniaqatigiiffiup pitsaasutut isigaa, pisortat namminersortullu nalunaarsuiffiitut malittarisassat nutarterneqarnissaat, aammalu suliffeqarfiit periarfissaqalissammata eqqunngitsulliortoqartillugu Datatilsynimut nalunaarutiginnissinnaanissaminnu . Aammalu inunnik paasissutissanik suliarinnittarnermut inatsisitut ittumik atortuulersitsinissamik tapersersuisinnaallutik.</p> <p>Sulianiaqatigiiffiulli illersorneqarsinnaanngitsutut isigaa malittarisassat EU-mit aallavillit, illersorneqarsinnaaneri nalilersuiffigineqanngitsut Kalaallit Nunaanni atuutilersinniarneqarnerat. Tassunga atatillugu suliniaqatigiiffiup tikkuarpaa Datatilsynip nakkutilliisussaasutut, aamma innuttaasunut</p>	<p>Naalakkersuisut eqqumaffigaat inunnik paasissutissanik suliarinnittarnek pillugu inatsit EU-mi inatsimmit aallaaveqarmat. Tamatumunngali tunngatillugu erseqqissarneqassaaq EU-mi inatsimmik Kalaallit Nunaannut eqqussinissaq siunertarineqanngimmat – kisiannili inuit pillugit paasissutissat suliarineqartarneranni malittarisassat nunat tamalaat akornanni atorneqartut pineqarlutik – naalagaaffeqatigiinnerup iluani atugassarititaasut iluini. Ilanngulluguttaaq malugeqquneqarpoq naalagaaffeqatigiinnerup iluani inatsimmik EU-p inatsisaanik aallaaveqartumik atuutilersitsineq qaqutigoortuunngimmat. Naggataatigullu Naalakkersuisut malugeqquaat siunnersuisussaataitanermik aamma nakkutilliisussaataitanermik suliassaq naalagaaffiup</p>

	<p>suliffeqarfinnullu siunnersuisussaasutut inissisimamera piviusorsiortuunngitsoq, aammalu Datatilsynip Kalaallit Nunaanni suliassaminut tunngatillugu isumaginninnissaminut isumalluutinik pisariaqartinneqartunik peqanngitsoq.</p> <p>Kingullertullu suliniaqatigiiffiup malugeqquaa suliassa qarfimmi malittarisassat siunissami aggersumi allanngortinneqarnissaat ilimagineqartariaqartoq.</p>	<p>akisussaaffigimmagu - Naalakkersuisullu pissusissamisoortutut naatsorsuutigaat naalagaaffiup suliassaq tamanna isumagissagaa.</p> <p>Suliassa qarfimmi malittarisassat allanngortinneqarnissaannut tunngatillugu Inuit Pisinnaatitaaffii pillugit Institutip tusarniaancrmi akissutaanut oqaaseqaatigineqartut innersuussutigineqarput.</p>
Open Source Greenland	<p>Suliniaqatigiiffiup siunnersuut tapersersornartinnigilaa; innersuussutigalugulu suliassa qarfik akisussaaffittut angerlaanneqassasoq, namminerisamillu inatsisiliortoqassasoq Savalimmiut assigalugit.</p> <p>Aammattaaq suliniaqatigiiffiup tikkuarpaa Kalaallit Nunaanni inuit illersorneqarnissaanik suliassaq Datatilsynimit sumiginnarneqarsimasoq, siunnersuut aqutigalugu pisortat sullissiviini pillagaasinnaatitaannginneq eqqunneqarniartoq, Datatilsyni anigaasaliissutinik tunineqaqqinnianngitsoq, Datatilsyni nalunaarusiortussaataitanermik pinngitsoortinneqartoq aammalu siunnersuutip Kalaallit Nunaannit aallaaveqaannginnera amigaataasoq.</p>	<p>Inunnik paasissutissanik suliarinnittarneq pillugu inatsisip atuutilersinneqarnissaanut eqqarsaatersuutigineqartunut atatillugu Naalakkersuisut inuit pillugit paasissutissat suliarineqartarnerannut malittarisassatut periarfissanik allanik sukumiisumik misissuisimapput. Tassunga ilanngullugu suliassa qarfiup akisussaaffigilerlugu angerlaannissaa, aamma inatsisartut inatsisaannik atuutilersitsinissaq, Savalimmiunit isumassarsiornermik aallaaveqarsinnaasumik. Naalakkersuisut nalilerpaat akisussaaffigalugu angerlaassinissami anigaasartuutissat, aamma suliassa qarfimmut atatillugu nammineq malittarisassaliornissaq massakkuugallartoq aqutissaanngitsoq. Akisussaaffittut angerlaassinissaq ilaatigut assersuutigalugu kinguneqassaaq nakkutilliisussaataasumik immikkut pilersitsinissaq, tamatumalu kingorna aatsaat</p>

		<p>piginnaasassanik pisariaqartinneqartunik ineriartortitsillunilu namminerisamik suleriaaseqalersussaq.</p> <p>Datatilsynip Kalaallit Nunaanni suliassaminik suliarinninneranut, kiisalu Kalaallit Nunaannit aallaaveqarnermut apeqqummut tunngatillugu Transparency International Greenlandip, Inuit Pisinnaatitaaffii pillugit Institutip aamma ICC-p tusarniaanermi akissutaannut oqaaseqaatigineqartut innersuussutigineqarput.</p> <p>Pillarneqarsinnaatitaanginnissamu t apeqqummut tunngatillugu Naalakkersuisut peqqussutissatut siunnersuummi § 65, stk. 2-mut aamma 2015-imi § 37 naapertorlugu apeqqummut Justitsministeriap akissutaanut nr. 148-mut aamma 155-imut innersuussipput. Tassunga tunngatillugu maluginiarneqarpoq pisortat ingerlatsivii ullumikkut aamma immikkut pillarneqarsinnaangimmata.</p>
Ilinniartitaanermut, Kulturimut, Ilisimatusarnermut aamma Ilageeqarnermut Naalakkersuisoqarfik	Naalakkersuisoqarfiup innersuussutigaa inuit pillugit paasissutissat suliarineqarnerannik nalunaarutiginnittarneq ataqatigiissarneqarsinnaasoq, suliassat Datatilsynimi suliarineqartarnerat sivikillisarniarlugu.	Nalunaarnissamut periusissamik aaqqissuussinissaq pillugu Naalakkersuisut Datatilsynimik ataavartumik attaveqarput. Naalakkersuisut isumaqatigisinnaavaat nalunaartarnermut periutsip eqaatsumik aaqqissuunneqarsinnaanissaa suliassat suliarineqartarnerisa sapiingisaq tamaat sivikinnerpaaffissaaniitinnissaannut pingaaruteqartoq.
Akilerartarnermut Aqutsisoqarfik	Akilerartarnermut Aqutsisoqarfiup inunnik paasissutissanik suliarinnittarneq	Allaffissornikkut aningaasatigullu kinguneqaataasussat nalilersorneqarnissaannut

	<p>pillugu inatsiseqarneq tamakkiisumik isigalugu soqutiginarlutut, aamma innuttaasut pitsaaneruumik sullinneqarnissaannut pingaarutilittut isigaat.</p> <p>Tamatuma saniatigut Aqutsisoqarfiup innersuussutigaa missingiut 2012-imik ukiulerneqarsimammat, kingornalu allannguuteqartitsinernik ujartuilluni.</p> <p>Aqutsisoqarfittaaq aalajangersakkanut ataasiakkaanut tunngatillugu oqaaseqaatinik ujartuivoq, kiisalu siunnersuummi allaffissornikkut aningaasatigullu kinguneqaataasussat pillugit nassuiaammik aamma inunnik paasissutissanik suliarinnitarneq pillugu inatsisip Kalaallit Nunaannut atuuttup aamma Danmarkimut atuuttup suut assigiinngissutiginerai pillugit nassuiaammik.</p> <p>Aammattaq ujartorneqarpoq aqutsisoqarfiup aamma immikkoortoqatigiit sinnerisa iteqarnikkut systemiisa, ilaatigut paasissutissanik nalunaarsuinissamut kiisalu innuttaasunut nalunaartussaataitanermut tunngatillugu inatsimmut naleqqussarneqarnissaasa qanoq aningaasalersorneqarnissaannik ilimaginninnermut nassuiaat.</p> <p>Naggasiutitut aqutsisoqarfiup maluginiarpa maanna Kalaallit Nunaanni namminersortuni aamma pisortani piginnaasatigut ilinniarsimassutsikkullu qaffasissuseq eqqarsaatigalugu</p>	<p>tunngatillugu KANUKOKAp tusarniaanermi akissutaanut oqaaseqaatigineqartut innersuussutigineqarput.</p> <p>Tamatuma saniatigut Naalakkersuisut ilisimatitsissutigisinnaavaat missingiutip 2012-imi tiguneqarnerata kingorna, maannalu tusarniutigineqartup, imarisaatigut allannguisoqarsimanngitsoq.</p> <p>Tusarniaaneq aallaavigalugu peqqussutissatut siunnersuummi naammassineqartumi arlalitsigut iluarsiiisuteqartoqarpoq. Pineqartut tassaapput §§ 53, stk. 1, 70, stk. 2 aamma 71.</p> <p>Naalakkersuisut isumaqatigaat inunnik paasissutissanik suliarinnitarneq pillugu inatsisip akuersissutigineqarnissaa sulisut inatsimmik ilisimasaqarnissaannik piomasaaqatitaqassasoq, aammalu naatsorsuutigalugu pisortat ingerlatsiviini sulianik suliarinnittartunut tunngatitamik pikkorissartitsinissaq pisariaqassasoq.</p>
--	---	---

28. aprili 2016

UKA 2015/24  
UPA 2016/24

	siunnersuummi oqaasertaliussat siunnerfiillu angunissaannut annertuumik unammilligassaqassasoq.	
--	--	--

UKA 2015/24  
UPA 2016/24  
Suliap nr.a.: 2015-557